

Որ ոչ կարէ որ $\delta(a)u(a)$ չեւ .
Զջուրն եւ զաւազն ոչ զխտենան ,
Եւ ամ(ենայն) շունչք եւ զեռունք .
Ծովածնունդք եւ լողական :

Աճապարին եւ ոչ շարժին .
Ունին ընթացս եւ ոչ զեռան ,
Այս ամ(ենայն) օրինակ է .
Արարածոցս առնէ նշան :

Ամենայն ծառք անտառի .
Եւ պտղաբերքն զանազան ,
Տերւօքն թառամին .
Պտուղն համ եւ հոտ չըտան :

Ի յոստեանցն արիւն կաթէ .
Եւ յարենէն խոնաւանան ,
Ըստուերագոյն պըճնին հասակ .
Որ թառամին եւ սեւանան :

Ամ(ենայն) թռչունք երկրի .
Որք երկրաւորք են եւ օդական ,
Դ(ա)րձ(եա)լ ի մի վայր ժ(ո)ղ(ո)վին .
Տարակուսեալ կարկամեալ մնան :

Ոչ ուտեն եւ ոչ ըմպեն .
Քաղց եւ ծարաւ արդեօք մնան ,
Վ(ա)ս(ն) ահագին եւ երկիւղին .
Ն(ո)ք(ա) ամէնն զուժարանան :

Դ(ա)րձ(եա)լ քարինքղ հարկանին .
Զիրեար ջարդեն եւ որոտան ,
Ո(ր)պ(էս) քարինս շինւածոց .
Որ խափանին նոյն առժ(ա)մայն :

Ամ(ենայն) շինուածք երկրի .
Ո(ր)պ(էս) յօդեալ են զանազան ,
Աւերի յամէն տեղի .
Որ չի մնան քար մի նշան :